

Član 3.

(Stupanje na snagu)

Ova Uredba stupa na snagu prvog narednog dana od dana objavljivanja u "Službenim novinama Kantona Sarajevo" a primjenjivat će se od 1. 1. 2008. godine.

Broj 02-05-5125-8/08  
20. februara 2008. godine  
Sarajevo

Premijer  
Samir Silajdžić, s. r.

Na osnovu člana 27. stav 4. u vezi sa članom 49. Zakona o prodaji stanova na kojima postoji stanarsko pravo ("Službene novine Federacije Bosne i Hercegovine", broj 27/97, 11/98, 22/99, 27/99, 7/00, 32/01, 61/01, 15/02, 54/04, 36/06 i 51/07) i članova 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo donijela je, na 50. sjednici održanoj 18. februara 2008. godine,

**UREDBU**

**O DOPUNI UREDBE O OBRAZOVANJU I VOĐENJU  
KNJIGA POLOŽENIH UGOVORA**

Član 1.

Iza člana 15. Uredbe o obrazovanju i vođenju knjiga položenih ugovora ("Službene novine Kantona Sarajevo", br. 1/98, 6/98, 16/01 i 18/02) dodaje se novi član 15a., koji glasi:

"Član 15a.

KPU treba, što je prije moguće, voditi u elektronskoj formi. Elektronski način vođenja KPU vrši se shodnom primjenom odredaba federalnog zakona i pravilnika federalnog ministra pravde koji se odnose na elektronsko vođenje zemljišnih knjiga."

Član 2.

Ovlašćuje se Ured za zakonodavstvo Vlade Kantona Sarajevo da utvrdi prečišćeni tekst Uredbe o obrazovanju u vođenju knjiga položenih ugovora.

Član 3.

Ova Uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-3844-5/08  
18. februara 2008. godine  
Sarajevo

Premijer  
Samir Silajdžić, s. r.

Na osnovu članova 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), a u vezi sa članom 163. stav 1. alineja 24. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 16/02, 8/03, 2/06 i 21/06), Vlada Kantona Sarajevo donijela je, na 50. sjednici održanoj 18. februara 2008. godine,

**UREDBU**

**O IZMJENAMA I DOPUNAMA UREDBE O  
SUBVENCIONIRANJU TROŠKOVA GRIJANJA**

Član 1.

U Uredbi o subvencioniranju troškova grijanja ("Službene novine Kantona Sarajevo", broj 4/05), u članu 1. stav 2. riječi: "i

drugih vidova grijanja", zamjenjuju se riječima: "električne energije i čvrstog goriva (drva i ugalj), a subvencioniraju se troškovi grijanja samo jedne vrste energenta".

Iza stava 2. dodaje se novi stav 3. koji glasi:

"Troškovi grijanja se subvencioniraju za pet (5) mjeseci (januar, februar, mart, novembar i decembar)".

Član 2.

U članu 6. stav 1. mijenja se i glasi:

"Pravo na subvencioniranje priznaje se u skladu sa članom 68. stav 1. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06 i 21/06) od prvog dana narednog mjeseca za koji se subvencioniraju troškovi grijanja".

U stavu 2. u trećem redu iza riječi: "iznosa" dodaju se riječi: "subvencije troškova grijanja".

Član 3.

U članu 7. stav 1. se mijenja i glasi:

"Za korisnike koji ostvare pravo na subvencioniranje centralnog grijanja, prirodnog gasa i električne energije JU Kantonalni centar će doznavačavati novčana sredstva mjesečno prema ispostavljenim fakturama javnim preduzećima KJKP "Sarajevogas", KJKP "Toplane" Sarajevo i JP "Elektroprivreda" BiH, koji vrše naplatu, a za korisnike koji ostvare pravo na subvencioniranje čvrstog goriva, čvrsto gorivo se doprema na adresu korisnika".

Iza stava 1. dodaju se novi stavovi 2., 3. i 4. koji glase:

"Početkom svake tekuće godine Ministarstvo za rad, socijalnu politiku, raseljena lica i izbjeglice Kantona Sarajevo (u daljnjem tekstu: Ministarstvo) objavljuje javni poziv za nabavku čvrstog goriva za sljedeću godinu, shodno odredbama Zakona o javnim nabavkama ("Službeni glasnik BiH", br. 49/04, 19/05, 52/05, 8/06, 24/06 i 70/06) i vrši odabir najpovoljnijeg ponuđača sa kojim će zaključiti odgovarajući ugovor o međusobnim pravima i obavezama.

Javnim pozivom za 2009. godinu bit će obuhvaćena nabavka čvrstog goriva za novembar i decembar 2008. godine.

Korisnici prava na subvencioniranje troškova grijanja na električnu energiju i čvrsto gorivo, ovo pravo na način propisan ovom uredbom ostvaruju od 01.11.2008. godine".

Član 4.

U članu 9. iza riječi: "Ministarstvo" brišu se riječi: "za rad, socijalnu politiku, raseljena lica i izbjeglice Kantona Sarajevo (u daljnjem tekstu: Ministarstvo)".

Član 5.

Gramatička terminologija korišćenja muškog ili ženskog roda u ovoj Uredbi podrazumijeva uključivanje oba roda.

Član 6.

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-3844-6/08  
18. februara 2008. godine  
Sarajevo

Premijer  
Samir Silajdžić, s. r.